

دار الفنون

حقوق فائز لکچر محمد علی

مفروق ، اقتصادیات

ایکی آمدہ بر نشر اولنور

مندرجات

قسم مفروق :

اختلاف قوانین نظریہ لریٹک کچر دیکی استحالہ ل	معمر راشد
قصورك تجزیہ سی و جزای مدنی	مؤلفی ریپہر (مترجی)
مختلف حکم محکمہ لری مقرراتندن طوماسو ده لاغراجیا دعواسی اعلامی (مترجی)	عالی
طوماسو ده لاغراجیا دعواسی اعلامنک تنقیدی	محمد عثمان
نسب حقندہ کی احکام قانونیہ مزہ بر نظر	حاجی عادل
دیوان عدالت مقرراتندن لو توس دعواسی	منمنلی زاده ادھم

(نسب) حقنده کی احکام قانونیه مزہ برانظر

پکن نسخہ دن مابعد

ج : رد حقنك سقوطی

رد نسب برحقدر ، هرحق کبی بونك ده کندینه کوره اسباب سقوطی واردر .
ایشته قانونمژك ۲۴۶ نجی ماده سی بواسباتی تعیین ایدیور .

« قوما ، صراحتاً و یا دلالتاً چو جوغی طانیدقندہ ، باخود بوبامہ معین مدت یکد کردہ
صوکرار رد دعواسی ایدہ مزہ . شو قدرکہ چو جوغی طانیمہ و یا مدترہ رد ایتہ مک مضمور -
صنہ اغفال اولونریغنی ادعا و اثبات ایدہ بیلیر . »

« بومالدرده اغفالہ اطماع ناربخندہ اعتباراً رد ایچونہ بکیرہ برآیلو مدت باشدور »
کذلک رد دعواسنک مدنی ایچندہ اقامہ ایلطہ سی محو بر سبیرہ ایلری کلمہ ایدہ
مدتک کلمہ باقیلمق مزہ دعوا مسومع اولور . »

۱ - قوجهنك صراحة و یا دلالة چو جوغی طانیمی حالی :

قانوناً مشروعیت قرینہ لری کندی لہندہ اولہرق تولد ایدن چو جوغک بابایہ نسبتی
رد وانکار نہ کبی احوالہ جائز اولہ پیلہ چکی ۲۴۱ ، ۲۴۳ ، ۲۴۴ نجی مادہ لردہ ایضاح
وارائہ اولونمشدر . زوج بوصلا حیتندن ، چو جوغک کندی ولد مشروعی اولدیغنی سبج
مدنی مأمورینہ سویلک و یا ردنسب دعواسندن صرفظرا ایتدیکنی افادہ ایلک کبی صراحة
و یا خود چو جوغی سبج نفوسہ بالواسطہ قیدایتدیرمک و یا ولادت متعاقب ضیافت ویرمک ،
تبریکاتی قبول ایلک کبی دلالة وضماً و از کچرسہ آرتق رد دعواسی اقامہ سنہ حق قالماز .
معین اولان برآیلق مدتک وقوف و اطلاعه رغماً مرور ایتسنہ میدان برآق دخی چو جوغی
دلالة طانیمق اعتبار اولونہ بیلیر . بورادہ کی سکوت و حرکتسزلک زوج علیہنہ حجتدر .
شو قدرکہ بابانک چو جوغی شو صورتلرلہ طانیدیغنی ادعا ایدہنک شو ادعاسنی قناعت بخش
اولہ حق اسباب ثبوتیہ اقامہ سیلہ اثبات ایتسی لازمدر . پالکز پک بسیط بردلیل واحتمال
در میانیلہ بویلہ برادعا توثیق ایدلش اولہ ماز .

(چو جو غی طانیق) فعلی، شرطه تعلیق ویا زمان مستقبله اضافه ایدیه مزه. کرچه قانونمزدده بو بایده بر قید صریح یوقسه ده آلمان قانوننده صریحاً مذکور اولان بو حکم (۱۵۹۸) اسویچره قانونی شر حلرندن کورتی فوره رده مندر جدر. (۲۷۵/۵) شوقدر که چو جو غی مابعد المونه مضاف اوله رق طانیقه نک جائز اولدینی آلمان قانوننده آریجه تصریح ایدلمشدر. (۱۵۹۸/۳)

۲ - مدتک کجمنی حالی :

رد نسب دعواسنک اقامه ایدیه بیامسی ایچون معین اولان مدتک کذراننه کلنجه : بومدی کچیرن یا قوجه در یا خود (۲۴۵) نجی مادهیه توفیقاً دعوا اقامه سنه صلاحیتی اولان اشخاص نالته در. قانون ؛ رد دعواسنه امکان بر اقایان بوا یکی حالک مستثنیاتندن اولمق اوزره شو نقطه لری تثبیت ایتمکده در :

آ : قوجه، ویا خود (۲۴۵) نجی ماده ده موضوع بحث اولان وارث چو جو غی طانیق ویا مدتده رد ایتمه مک خصوصنده اغفال اولوندیغنی ادعا واثبات ایده بیلیر [۱]. بویه بر ادعایک ثمره بخش اولمسی ایچون محکمه یه مراجعتله صورت مستقلده اقامه دعوا لازمدر. بوا دعایی باشقه بر دعوانک جریانی صیره سنده فرعی و تصادفی ماهیتده در میان ایتمه که مساع یوقدر ؛ تعبیر دیگرله بر چو جو غنک مشروعتنه قارشی در میان اولونه حق ادعا آنجق بر دعوی اصلی شکل و ماهیتده اقامه ایدلمیدر. بالطبع حاکم، دعوانک اقامه سی مدتده متعلق اولان احکام قانونیه یی رأساً تدقیق و تطبیق ایله مکلفدر. اولاً بونقطه یی تثبیت ایدر، اوندن سوکرا مدعینک ادعاسنی و ادله سنی دیگر. مدعی، هر حالده چو جو غنک طانیقه سی ویا مدتی ظرفنده رد نسبدن فراغت ایدلمسی کیفیتلری ایله (اغفال) fraude آراسنده (علیت) رابطه و علاقه سی موجود بولوندیغنی اثبات ایتمک موقعنده در.

(اغفال) مثلاً دوغان چو جو غنک جسماً انکشافی درجه سنی ارا نه و اثبات ایچون ساخته راپور قوللانمق، بر لکده یاشانان زمانلری تثبیت ایدن وثائقی تحریف ایده رک بوبولده مکتوبلر کوسترمک کبی حیللر در بونلر قوجه یی، چو جو غی طانیقه ویا مدتی ایچنده رد نسب دعواسی آچامقه سوق ایتمش و زوج بو حیلله و اغفاله بالاخره واقف

[۱] اسویچره قانوننک (۲۵۷/۱) ماده سنده شویه سوق اولومشدر :

Qu'il a été induit frauduleusement soit à reconnaître l'enfant, soit à ne pas le désavouer.

اولش بولونورسه ایسته بواطلاع تاریخندن اعتباراً رد ایچون یکیدن برآیق مدت جریان باشلار .

اغفالک ، چوجوغلک ویا والده سنک فعل و اثری اولسی آراسنده بر فرق اولمادیغی کبی اوچونجی بر شخصک اغفالی ده اقامه دعوا ایچون کافیدر . ا کراهی ده اغفاله تمیل ایتک موافق اولور . مدعی ، اغفاله اطلاع تاریخندن اعتباراً هنوز برآی کچمدیکی اثبات ایتک مجبوریتنده در . دوغوش زمانیه اغفالک کشف اولوندیغی زمان آراسنده کچن مدتک مقداری حائز اهمیت دکلدر بویله ردعوانک دوغوش زمانه نسبتله نهایت اقامه اولونه بیله جکی اعظمی مدت ، بوراده تعیین ایدلمه مشدر . حالوکه بورجلر قانونک ۶۰ نجی ماده سی موجبجه « ضرر وزیان ومعنوی ضرر نامیه نقدی بر مبالغ تأدیه سنه متعلق دعوا ، اطلاع تاریخندن اعتباراً بر سنه وهر حالده وقوعندن اعتباراً اون سنه مرورندن صوکر استماع اولونماز . »

ب : قوجه رد نسب دعواسی بحق بر سبیدن ناشی مدتی ایچنده اقامه ایده مه مش ایسه مدتک گذراننه باقیالمقسزین دعواسی ینه مسموع اولور . [اسویجره قانوننده بو فقره نک مقابلی شویله در : lorsque de justes motifs rendent le retard excusable]
بر آیق مدتک ختامندن صوکر نه قدر مدت کچمش اولورسه اولسون مادام که بحق سبیلر دعوا ده تأخیری معذور کوستره جک شایتنده در تأخیری مستلزم اولان احوال زائل اولور اولماز ینه دعوانک مسموعیتی قبول ایتک فقره قانونیه ایجاباتندن در .

مدعی بو فقره دن بالاستفاده اقامه دعوا ایدنجه حاکم ، اول باول ، اسباب محقه دولایسیله مرور مدتی نظر اعتباره آلاماق نقطه سندن ادعانک وارد اولوب اولمادیغی ینه رأساً تدقیق و کیفیتی تقدیر ایدر . (ماده : ۴) بو تدقیقای à ia légère باشند صاومه یا بمامق لازمدر (کورتی فوره در) . قوجه ولادته واقف و قانونی مدتک گذراننه مطلع و کندیمی ایچون (۲۴۵) نجی ماده ده موضوع بحث اولان احوال غیر موجود اولمقله برابر ینه اقامه دعوا ایده مدیکی ومع هذا شخصاً بو خصوصده هیچ بر قصور یا بمادیغی اثبات ایتک مجبوریتنده در . مثلاً رد نسب دعواسی اقامه ایتک اوزره ایشی بر آووقاته تودیع ایتمش ، بو آووقات آتی ووخیم برخاسته لقی نتیجه سی اوله رق مهل معینک گذرانی نظر دفته آله مامش ؛ یا خود موکل واقف اولامقسزین و مدتی ظرفنده بالذات دعوائی اقامه ایتمی ویا دیگر بروکیل بولسی ایچون مؤکله وقت بر اقمقسزین آووقات وفات ایتمش ؛

یاخود (۲۴۵) نجی ماده ده در پیش ایدیلن وارث ، بر آئی ظرفنده ولادته ، ویا هیچ اولمازسه بالذات قوجه نك دعوائی اقامه ایتسنه مانع اولان احوال و شرائطه ، کندی قصوری اولمق سزین مطلع اولامادیغی ایچون اقامه دعوا ایده مدیکنی اثبات ایتمش واخل.... قانونك محق سبیلرك موجودیتی ایسته میسی ، تأخر ك بهمه حال معذور کوريله جك ماهیتده اولماسنی و مدعینك بو خصوصده بالنفس اك خفیف بر قصور ايله بيله مؤاخذه ایديله میه جك وضعیتده بولونماسنی مستلزمدر .

(روسل) بو صوك فقره ايله استیناسك براز مشكل اولدیغی سویلیور ! چونکه ، قانون بوققره سيله چوجوغك منفعتی علیه اوله رق ۲۴۲ ، ۲۴۵ ، ۲ / ۲۴۶ نجی ماده لرده موضوع بحث مدترك اهمیت و قیمتنی ضعیف اتمش اولیور ، بر چوق حا کملر ، هر تأخری بویوك بر سهواتله معذور کورمکه تمایل کوستریور لر . « دیور .

نسبی رد حقنده فرانسه قانوننده موجود بعض احکامی و فرانسه ژوریس پرودانسی مقایسه و ممارسه یه مدار اولق اوزره تلخیص ایدیورز :

قود ناپولیونك (۳۱۶) نجی ماده سی موجبجه زوجك ادعای حق ایده بيله جکی احوالده :

- ۱ — اگر چوجوغك دوغدیغی یرده بولونیور ایسه بر آئی ،
- ۲ — اگر عینی زمانده کندیسی ده غائب ایسه عودتندن اعتباراً ایکی آی ،
- ۳ — اگر چوجوغك تولدینی کندیسندن کیزله مشر ایسه حیلایه وقوف واطلاعی تاربخندن اعتباراً ایکی آی

ظرفنده زوجك طلب و دعواده بولونماسی شرطدر . کوریلیور که اسویمجرده رد ونفی نسب مدتی اوج آی ایکن فانومز ، فرانسه ده اساساً جاری اولان بر آئی مدتی قبول ایتشد .

آلمانیده (۱۵۹۴) نجی ماده موجبجه رد نسب صلاحیتك برسنه ظرفنده استعمالی لازمدر .

مع هذا فرانسه ده ، زوج غائب ایسه آنك نامنه رد نسب حق کیسه یه ویرلمه مشدر ، دلائل واسباب ثبوتیه نك احضارینه وقت براقش اولق ایچون عودتندن اعتباراً ایکی آی ظرفنده بینه بالذات کندیسی اقامه دعوا ایده بیلیر . بزده مجرد [بولوندیغی یرك

بیانیه مسمی [دعوا ایچون ورثیه حق ویرر. بونکله برابر مفقودک حیاتندن امیدکیلمش اولوبده اموالی صورت قطعیده ورثیه انتقال ایدنجه، بونلر فرانسه دهده نفی نسب دعواسنده بولونه بیلیرلر. بعض مؤلفلر، غائبک اموالی حقنده اتخاذا اولنان موقت تدبیرلر صیره سنده ورثه نك نفی نسب ادعاسنده بولونه بیلملرینی قبول ایدیورلر.

آلمان قانوننک صراحتنه نظراً [زوج حق رد وانکاری ضایع ایتمکسزین وفات ایتمش اولمادجه] چوجوغنک عدم مشروعیتی هیچ برکیمسه طرفندن درمیان اولونه ماز. کرچه شو حالده حق دعوانک کیملره توجه ایده جکی تصریح ایدلمه مش ایسه ده بوجهت قانونک احکام عمومیه سیله قابل حلدرد. محقق اولان برشی وار ایسه مجرد غیوبتک، علاقه دارانه نفی نسب ایچون حق دعوا بخش ایده مه مسیدر.

فرانسه ده ورثه نك نسبه قارشی عدم مشروعیت ادعاسنده بولونه بیله جکلری احوال (۳۱۷) نجی ماده ده ایضاح اولونمشدر :

اگر زوج، هنوز مدت مرور ایتمش اولمایه رق، رد نسب ادعاسنده بولونمازدن اول وفات ایتمش ایسه ورثه چوجوغنک مال موروثه وضع یدی، یاخود چوجوغنک مال موروثه ادعای استحقاقی تاریخندن اعتباراً ایکی آی ظرفنده عدم مشروعیت دعواسنده بولونه بیلیر.

(ورثه) دن مقصد، مورثک شخصی ادامه ایدنلردر، تعبیر دیگرله قانوناً متوفایی استخلاف ایدنلر نفی نسب ادعاسنده بولونه بیلیرلر. بناءً علیه آنه لرینک ناموسنی اخلال ایتمش اولمق ملاحظه سی موجود اولسه بیله متوفانک اولاد مشروعیه سی کندیلرینه نسبت ایدیلن قارداشی رد وانکار ایده بیله جکلری کی احد زوجین، اولاد طبیعه، دولت، محلول بر میرانک وصیتی، جمیع اموالی مستوعب اولان وصیتده موصی له ویا موهوب له چوجوغنک مشروعیتنه اعتراض ایده بیلیرلر.

میرانه وضع ید ایتمکی رد ایدنلر، مورثلرینه مال ایدلمک ایسته نیلن نسبی رد ایتمک ادعاسنده بولونه مازلر.

ورثه ایچون مورثلرینه نسبت ایدیلن چوجوغنک نفی نسبی شخصی برحقدر، برینک دعوا ایتمه مسمی ویا دعوائی غائب ایتمسی دیگرکی حقندن محروم ایتمز. [یوقاریده کورلدیکی وجهله اسویچره ژوریس پرودانسی بویله دعوانک ردی، اقامه دعوا ایتیلر حقنده ده قضیه محکمه تشکیل ایده جکی مرکزنده در.]

ورثه دن محجور اولانلر نامنه وصیسی، حق داینی نفی نسب ادعاسنده بولونه بیلیر.
وارثلر بو حق مورثلری نامنه حائز اولدقلرندن حال وفاتنده مورثک بو حقنی استعمال
ایتمش بولونماسی لازمدیر: مورث دعواسنی اقامه وغائب ایتمش ایسه، دعوا دن فراغت
ایش ایسه ورثه دخی دعوائی آرتق تعقیب ایده مزملر.

مورث دعوا ایتمش فقط هنوز محاکمه جریان ایتمدن وفات ایتمش ایسه ورثه دعوائی
قالدینی بردن تعقیبه باشلارلر. بونک ایچون باشقه بر مراجعته لزوم یوقدر. ورثه دعوائی
مورثلرینک بر اقدینی نقطه دن تعقیب ایده بیله جکلیرینه نظراً مورث، فعل زنا یی اساس
اتخاذ ایده رک ویا چوجوغک کنديسندن کیزلندیکنی سویله رک اقامه دعوا ایتمش بولنیور
ایسه ورثه دخی عینی یولدن دعوائی تعقیب ایدرلر. - حالبوکه بر زوجه علیهنه رأساً زنا
دعواسی اقامه سی حق یالکیز قوجه به بخش اولونمشدر. - بالذات تجویز اولونمیان برشی
بالتبع تجویز اولونیور دیمک اولور.

ورثه دعوا به نه وقت صلاحیت قازانه جقلردر؟

(۳۱۷) نجی ماده به نظراً چوجوغک مال موروثه وضع یدی، یاخود مال موروث
ادعاسی تاریخنندن اعتباراً ایکی آیلق بر مهل ایله مقید اوله رق. فقط حاکم اولان افکاره
کوره: ورثه نک، چوجوغک نسبنی نفی ایچون اونک طرفندن بوصورته ازعاج ایدلمش
بولونملرینه حاجت یوقدر، اگر مطلقاً بویله بر معارضه لازم ایسه چوجوغک، کندی
مورثلرینه نسبنی ارئه ایدن برسجل نفوس وثیقه سی حامل بولونمسی، ازعاجک موجودیتنی
ارائه ایده بیلیر. آنجق چوجوغک نه بر عنوانی نه ده فعلاً تأسس ایتمش حال مدیسی
موجود ومعروف دکل ایسه ورثه اونک علیهنه دعوا ده بولونمق ایچون باشقه صورته،
مثلاً قانونک دیدیکی کبی مال موروثه وضع ید ایده رک ویا بویله بر ادعاده بولونه رق ازعاج
ایدلمش اولمق لازمدیر.

کوربیلورکه فرانسه ده بالخاصه اسباب ثبوتیه نک مرور زمانه ضیاغندن قورقیله رق
ورثه نک مورثلرینک وفاتندن سوکرا همان رأساً دنیه بیله جک بر شکلده نفی نسب ادعاسنده
بولونه بیلملرینی ترویج ایدن اجتهادلر تعمیم ایتمهک باشلامشدر؛ فقط محکمه تمیز، رأساً
رد نسب حقنی یالکیز بابیه ویریور وورثیه بو خصوصده آنجق ماده ده معین شرائط
دائرة سنده نفی نسب حق طانیور: «قانونک افاده سندن آکلا شیلورکه چوجوغک نسب،

اصل اوله رق، باباسندن ثابت اولمشر، يا خود چوجوق بونك مدعي سيدر؛ ورثه ايچون آنجق متحقق و حال né et actuel بر منفعتلري خللدار اولورسه حق دعوا ثابت اولور. كندى عائله رينه نه سجل نفوس وثيقه سيله نه ده فعلى حال مدنى طريق possession d'état ايله ادعاى نسبت ايتمين بر چوجوگك مشروعيى حقنڊه مخصوصه كبريشمكده ورثه ايچون متحقق و حال بر منفعت موجود دكلدر.

بالمقايسه كوريلور كه قانونمز (ديكر علاقه دارلر) اولق اوزره يالكز چوجوقله برلكده ميراثچي، چوجوق سببي ايله ميراندن محروم اولانلري و برده مدعي عمومي طائيمشدر. بونلر خارجنده كى ورثه نك نفي نسب دعواى مسموع اولماز.

فرانسه ده دعوا ايچون هيچ اولمازسه متحقق و حال بر منفعتك بايرمش اولسي لازمدر. بونك ايچون ده قانونده [چوجوگك مال موروثه وضع يدي، يا خود مال موروثه ادعاى استحقاق] اساس اتخاذايدلمشدر. قانونمزده چوجوقله برلكده ميراثچي ويا چوجوق سببي ايله ميراندن محروم اولانلر دعوا اقامه ايدم بيله جككلى مطلق اوله رق ارايه ايدلمش اولمسنه نظراً قوجه دن صوكر ا نفي نسب ادعاسنك علاقه دارانجه آنى اولماسه بيله آنى بر منفعت استناد ايتمى لزومى استدلال اولونه بيلير ايسه ده چوجوگك ميراثه وضع يدي ويا ادعاى استحقاقى مشروط دكلدر. بو وارثلر عائله نك بوتون افرادينه شامل اولان شرف و ناموس ايله شديدآ علاقه دار اولان حادثه يي، حق يالكز بونقطه نظر دن تعقيب ايتمش اولابيليرلر و دعوا ايچون چوجوگك كنديليريني مالا ازاج ايتمى بلكمكه احتياجلىر يوقدر.

واقعا چوجوگك مال موروثه دوغريدن دوغري به وضع يد ويا بومقصدله مخصوصه ايتمسنك حق دعوايه مبدأ اتخاذه، نسبك ثبوت و عدم ثبوتى كى بالخاصه ناموس و شرف عائليه تعلق ايدن بر مسأله يي مال دعواى مثللو مادي و خيس برشيئه تعلق ايتك و برده چوجوگك آرزوسنه معلق براغيلان بويه بر دعوانك تحقنه قدر دلائل و بيناتك اسكى قوتى اضاعه ايتك محذورلري واردر، بالخاصه بوجهت ورثه نك عاينه در. بوكا مقابل چوجوگك مجرد ولادتنه كسب و قوف ايدر ايتمز، ورثه ايچون در حال اقامه دعوايه صلاحيت بخش اولنورسه چوجوق طرفندن بر حركت و تشبث واقع اولماديني حاله، ابتداء ثبوتى اصل اولان نسبك ورثه طرفندن رأساً نفي و انكارينه و دعوايه

موضوع اتخاڭىنى يول آچىلمىش اولور بوايسە چوجوغىك ئىلمەندەر؛ فقط علم ساحەسەندە يالگىز لىندە ويا يالگىز ئىلمەندە دىل سەرد ايدىلەبىلە جىك عىجا قاج قاعدە واردر؟! ...
ھەرحالەدە قانۇنمىز روح ومەنا اعتبارىلە ورنەيە راساھىچ برحق اثبات ايتەيور، يالگىز مدنى ظرفندە حق ردىنى استعمال ايدەمەن قوجەيە اليقين والك علاقەدار اولانلارك شرف ومنفعت اندىشەلرى تەمزج اولەرق نىابت ايتىلرىنى ونفى نسب ادعاسەندە بولونەبىلەلرىنى قبول ايدىيور .

قودسيوبلىك (۳۱۸) نىچى مادەسە نظراً وصى و والەدەسى حاضەر اولدىنى حالەدە برآى ظرفندە اقامە دعوى ايدىلدىكى تەقدىردە زوجك ويا ورنەسنىك رد و نفى نسب حەقەندەكى مدعىاتى، يەنى محاكم خارجەندە واقع اولەجق اقرار وسائر تشبۇئات كائن لم يكن در . ردنسب دعواسەندە، مفارقات دعوالرەندە اولدىنى كى تاليف بىن تشبۇتى دە يوقدر .

بررأيه كورەپدر، دعواسى اوزرىنە غىر مشروعىتى محكوم عليە اولان چوجوغى مشروعىت ادعاسىلە تەكرار قوللاناماز . دىكر بررأيه كورە پدرك بويە برچوجوغىك والەدە سىلە اختلاط ايتىسى، چوجوغى بويۇتمەسى، تربىە وتەلىم ايتەمسى، تاھلى زمانسەندە اونك پدري اولدىنى سويلىسى، غىر مشروعىت حەقەندەكى حەكمى تاثيرسز برأير .

ردنسب دعواسى چوجوغىك تولدەننن اول اقامە اولوناماز، چونكە دعوانك موضوعى يوقدر . ولادەننن اول چوجوقدە ھنوز شەخسىت حەقوقيە تەكون ايتەمش وتولد وقوعە كىلكسىزىن، مدت احتبالى تەيىن ايلە مشروعىت ويا عدم مشروعىتى اظھارە مدار اولەجق قسطاس دىخى الە ايدىلەمە مشدر؛ فقط چوجوق برحيات ايكن لسبب اقامە اولونە ميان دعوانك چوجوغىك وفاتەننن صوكرا وبالطبع بىنە مەيىن مدت ظرفندە اقامە سەنە جواز كوسترلىك علت دعوانك موجودىتى اعتبارىلە، ضرورى كوريلير . قانۇنمىز بو خصوصە سەكت اولمقە برابر چوجوغىك شرائط مەينە آلەندە ردى حقى مطلق صورتەدە ذكر ايدىلسە نظراً چوجق وفات ايتسە بىلە بىنەنسنىك ردى ادعالرىنى قبول وانتاج ايتىك ايجاب ايدر .

ردنسب دعواسى اقامە اولونەقەننن صوكرا وائناى دعواءە چوجوغىك وفاتى احتمالى درپىش وتھلىل ايدن فرانسە علمائى حەقوقەننن بعضىسى، بابانك اقامە ايتدىكى ردنسب دعواسەندەكى مقصد و غايە ئالەسنىك منافع مەنوبە و اخلاقىە سنى محافظەننن عبارت اولمىلە چوجغىك وفاتى حالەدە آرتق بو كى منافعك تاىىن ايدىلەمە جەككى ايلرى سورمشلردر . بعض علما

دخي ردنسب ادعاسني بالنتيجه برسجل مدني دعواسي عد ايلشدر و بويله بر دعوانك آيجق
افر ادعائله آراسنه داخل اولان ذي حيات بر وجودايله قائم اوله بيله جگني سويله رك چو جوغك
اشناي دعوا ده وفاتي دعواي اسقاط ايدن اسبابدن صايمشدر ؛ آرتق بويله بر چو جوغك
كندي اسمنه نسبتني ازاله ايجون پدرك صرف معنوي بر منفعت تايمين ايدجك اولان
تشبثلري حكمسز قالير . بوكامقابل بعض مؤلفلر دخي ولادتدن اول ويا ذي حيات اوله رق
دو غمايان چو جوغك نسبك رد وانكار ايديله مه مسنك سبب وسائقي معنوي واخلاقي منافع
وشرف عائله نك محافظه سي دكل ، بلكه چو جوغك هنوز هيچ بر شخصيت حقوقيه بي اكتساب
ايله مش بولونمسي ايسده (حيا دوغدقندن صوكر اوقات) حادئهنده قضيه نك تمامآ برعكس
اولديغني ، زيرا چو جوغك بر مدت ياشامش و نائل حقوق اولش بولونديغني تقديرده زوجك
ويا ورثه نك تعقيب و انتاج دعوا ده منفعتلري موجود بولونديغني و بناء عليه چو جوغك حيا
دو غمش و علمهنده ردنسب دعواسي اقامه ايدلمكسز ين وفات ايتمش بولونورسه مدتي وشرايط
قانونيه سي داخلنده دعواي آيجق دوغري اولاجني كي چو جوغك حي ايكن اقامه اولنان
ردنسب دعواسنك وفاتندن صوكر ا نتيجهلنديرلمسندو بو اعتبارايله مانع كوريله ميه جگني
درميان ايلشدر . فرانسه ده بورايك حاكم بولونديغني آكلاشيدور .

چو جوغك بر حيات ايكن رد ونفي نسب دعواسنك كنديسييله والده سي علمهنه اقامه
اولونمسي قانونمك (۲۴۲) نجى ماده سي ايجاباتندن در . چو جوغك صغير ايسه بو خصوص
ايجون وصي مخصوص تعيين ايديله جگني ده يوقارنده اشارت ايتدك . چو جوغك دعوانك
رؤيتي صره سندو وفات ايدجك اولورسه قاعده و كالت و نيابت نهايت بولمق لازم كلير ايسده
نتيجه دعوايه قدر بو وصينك مدافعه ده دوامي [يعني بو موكلك وفاتيله و كيلك منعزل
اولماسي] ايشك ماهيتي ايجابنددر . بورجلر قانوني : ۳۹۷

چو جوغك دعوايه شروعدن مقدم وفات ايتمش بولنور ايسه آجيله جق رد ويا نفي
نسب دعواسنده ، والده سنك ، اوده وفات ايتمش بولنورسه چو جوغك اخلافك ويا
والده جهتندن چو جوغه وارث اوله بيله جك كيمسه لرك مدعي عليه موقعنده بولونمالري
موافق اولور . والده به وارث اولاجق لرك منافع ماليه سي چو جوغك منفعتنه مياين ومعارض
اولايله جكندن اولرك والده مقامنه قائم اولاماملري ايجاب ايدر . مدعي عليه موقعنده
بولونديريه جق چو جوغك ورثه سي (مطلق) بر ايلسه چو جوغه بابا جهتندن وارث اوله جق

كىمسه لرمده شامل اولور حالبوكه اكثر احوالده بونلرك منفعى چوجوڭك ثبوت مشروعيته چارپيشه بيلير ، علاقه مادي ايله شائبه دار و چوجوڭى مدافعه ده قاصر اوله بيله جك كيمسه لرك مدعى عليه و مدافعه موقعنده بولونديرلمسى طوغرى اولماز . چوجوڭك اخلافي ايله والده جهتندن چوجوڭنه وارث اوله جق كيمسه لر ايچون ايسه چوجوڭك نسبت اصله سنى محافظه ايتىمى و باباسندن نائل حقوق اولمى ملتزم اوله جفندن بونلرك مدعى عليه و مدافعه موقعنده بولونديرلمسى كوچوك نامنه منفعتلى اولور .

قرانسه مؤلفلى مشروعت نسبك ادله تبوتيه سندن بحث ايدر كن موضوعى ايكي يه تقسيم ايتىملر اولار (مشروع آنا لك اثباتى) ايله اشتغال ايتىلر در . بونلرك تدقيقه نظراً بر شخصك آنا جهتندن مشروعتى شوايكي حاك اثبات و اظهاريله تعيين ايدر :

- ۱ — چوجوڭى ، كنديسندن دوغديڭنى ، آناسى اولديڭنى ادعا ايتديكي قادينك دوغورمى
- ۲ — حال مدينى موضوع بحث اولان چوجوڭ ايله ، اولى قادينك دوغورديڭنى چوجوڭك عبنى چوجوڭ بولومى .

بو احوالى اثبات ايچون توسل اولتان يوللر مختلفدر . على العاده احوالده چوجوڭ اثبات مدعى ضمتنده ولادت وثيقه سنى ، يوق ايسه ، فعلى حال مدينى استعمال واقامه ايدر . بونلردىكى يوق ايسه اثباتك اوچونجى طريقى اولان شهود شخصيه اقامه سى يولنه كيديلير . حاكم اثباتى والده جهتندن اثبات نسبك عنصر اساسيدير .

وضع حمل ، ساد و بسيط مادي بر حادنه اولديڭنى جهتله ممكن اولان هر هانكى برواسطه ايله قابل اثبات اولمى لازم كلير . مع هذا صحت نسبك ثبوتى بك مهم نتايج توليد ايدى جكنه بناءً امر واقعلر احداثك او كنه كچمك ايتيه ين واضع قانون اثبات حمل ايچون بر طاقم خصوصى اشكال ثبوتيه تأسيس ايتك مجبوريتنده قالمشدر : بونك برنجيسى ولادت وثيقه سيدير ؛ يعنى والده جهتندن اثبات نسبك على العاده شكلى ، ولادتي مشعر رسمى بروثيقه نك ابرازيدر . حتى بوندن ناشيدركه ولادت وثيقه رسميه سنه پلانيولك ديدىكي كى هيئت اجتماعيه نك اعضاسندن هر برينه دنيايه كلديكى وقت و برمكه اولديڭنى (پاساپورت) نامى و برمك بجا اولور . مع هذا واضع قانون مجرد بوشكل اثبات ايله باغلامه نك ده دوغرى اولامايه جفنى قبول ايدىيور چوجوڭ كندى ولادت وثيقه سنك الده ايديله ممش اولمى كى غير عائد بر اهل و قصور دن دولايى مؤاخذه ايديله مز ، حتى چوجوڭ هانكى تاريخده و نروده دوغديڭنى

بیلیمیه بیلیر ، بوندن دولایی فرانسه قانونی ، سبیل وثیقه سندن باشقه فعلاً تأسس ایتمس اولان حال مدنی Possession d'état ایله واونجی درجه ده دخی اشخاص ایله استشهادیه قیمت و مساع ویرمکده در .

اولا دوغوم سبیلنک نه بی اثبات ایتدیکنی تدقیق ایدلم :
قودسیویلک (۳۱۹) نجی ماده سنه نظراً [اولاد مشروعه نك صحت نسبی احوال مدنیه سبیلتنده کی قیدلرله اثبات اولنور .]

پلانیول قانونك بوعباره سنی تحطئه ایدرهك دیوركه : دوغوم وثیقه سنی نسبی اثبات ایچون تام برینه دکلدر ، بو وثیقه یالکیز آنالقی حادثه سنی یعنی وضع حملی اثبات ایدر . اوندی کوریلان شیرل : چوجوغلک دوغدینی ، ارکک ویا قادی اولدینی ، حملک تاریخی ووالده نك اسمیدر . فقط بو وثیقه چوجوغلک هویتی identité اثبات ایتمز .

عجبا بو وثیقه مدعینك شخصنه هویتنه تماماً مطابقیدر ؟ بو وثیقه نك دوغومنی تثبیت ایتدیکی چوجوق حقیقه بو وثیقه نك بو کون حاملی اولان چوجوقیدر ؟ وثیقه بونی تماماً اثبات ایتمز . واقعا اکثر احوالده چوجوغلک هویتنده ده شبه ایدلمز چونکه موجودیتی هیچ بروقت کیزله نمیشدر ، اونك فعلاً ده تأسس ایتمس بر حال مدنیسی موجوددر ، هویت وشخصیتی بلکله اصلا هدف اعتراض اولمایه جقدر . فقط شاید بویله بر اعتراض واقع اولورسه ؟ اووقت بویله بر ادعایی قرائن سائر ویا شهود شخصیه ایله اثبات ایدرهك رد و دفع ایتمک لازم کله جکدر .

فرانسه قانونی متنه نظراً وارد اولان بوعراض بزم قانونمزه کوره وارد دکلدر .
قانونمزه نظراً « دوغوم واولوم ، سبیلتنده کی قیدلرله اثبات اولنور ، نفوس سبیلتنده قیدبولونماز ویا موجود قیدك دوغری اولمادینی تحقق ایدرسه کیفیت هر هانکی بر دلیل ایله اثبات اولونه بیلیر » (ق . م ماده ۲۹)

بوماده نك برنجی فقره سندن آکلاشیلدینی وجهله واضع قانونمزیالکیز دوغومك سبیل نفوسده قیدایله اثبات اولونه جقنی ذکر ایله اکتفا ایتمس ، ایریجه برده [واولاد مشروعه نك صحت نسبی ، بوسبیلتنده کی قیدلرله اثبات اولونه بیله جکنی] علاوه لزم کورمه مشدر .
پلانیولک دیدیکی کبی فی الحقیقه نسبی واونك مشروعتی و حاملنك هویتی نك باشنه وصورت مطلقه ده اثبات ایدن بوسبیل قیدی دکلدر . اونك دوغرولتی ویا ککشلنی موضوع بحث

اوله بیله جکی کبی حاملی اولان شخصه هویت مطابقی ده تعلیل اولنه بیلیر . بوتقدیرده کیفیت (هرهانیکی بردلیل ایله) اثبات اولنه بیلیر . واقعا احوال شخصیه قیدلرنده ، دوغان چوجوونک محل تولدی ، دوغدیق سنه ، آی ، کون وساعت ، جنسیتی ، اسمی ، باباسنک آناسنک اسمی ، الخ ... یازلدقن باشقه چوجوونک مشروع وازدواج محصولی اولوب اولمادیق ده درج ایدلک لازم کلیر . قانون مدنییزک نشرندن سوکرا بوسجلاتک نه صورتله طوتیله جغه دائر یکی برنظامنامه نشر اولونماقده برابر ۱۴ آغستوس ۱۳۳۰ تاریخلی نفوس قانوننده کافی درجه ده احکام موجوددر . بالخاصه علاقه دارانک دوغوم حقنده کی بیاناتنده شبهه کورن سجل نفوس مأمورینک تحقیقاندی بولونه رق طوته جفی سجلک موثوقیتنه قانع اولمسی لزومنده هیچ شبهه یوقدر . بوتون بواجباباته رغماً بر شخصک سجل نفوسده قیدی بولوتماز ویاخود موجود قیدک دوغری اولمادیق تحقیق ایدر سه اولوقت کیفیت هر هانکی بردلیل ایله اثبات اولنه بیله جکدر . کورلیبور که قانونمز مجرد دوغوم وثیقه سنی ، دکل بر نسبک مشروعیتنی ، حتی بر شخصک عالم شهودده کی موجودیتنی اثبات ایچون بیله قطعی بر بینه عد ایدمبور ، بونده کی قیدک دوغری اولامایه جفی دوشونه رک خلافتنه دلیل اقامه سنی تجویز ایدیور . بو (دلیل) نه کی شیلردر ؟ قانونمز بونک ایچون بر شکل کوسترمیور ، (بینه) یی تماماً حاکمک تقدیرینه بر اقیور .

فرانسه ده کوریمورز که قانون بوخصوصده بعض احکام وضع ایدیور : ولادت وثیقه سی موجود اولماز سه نسبک مشروعیتنی اثبات ایچون Possession d'état طریقنه کیدیلیر . [۱]

(پوسسیون دوتا) ویا فعلی حال مدنی : بر شخصک کندیسنی نسبک مشروعیتی نقطه سندن نسب صحیح ایله منسوبیت ادعا سنده بولوندیق ایکی شخصک مشروع اولادی کبی طایتمش اولسیدر . بوراده ایکی شخصک دیوروز ، چونکه فرانسه حقوقنه نظراً ولو که یالکز مشروع آنالک اثباتی موضوع بحث اولسون ، (پوسسیون دوتا) بابا نقطه نظرندن ده موجود وثابت اولق ایجاب ایدر . بوراده کی بینه ، قابل انقسام دکلدر ، هم آنایه هم ده بابایه شاملدر . برقادینک مشروع چوجوونک ایتمش کبی کندینی طایتمق ایستیهن بر شخص ، عینی زمانده اوقادینک قوجه سنک چوجوونک اولدیغنی ده طایتمق مجبوریتنده در .

[۱] A défaut de ce titre la possession constante de l'état d'enfant légitime suffit » (320)

(پوسه سیون ده تا) بر شخص ایله اونک نسبت اداسنده بولوندیغی عائله آراسنده کی نسب علاقہ سنی اشعار و افاده ایدن احوالک faits هیئت مجموعہ سیدر . بو حاللرک باشلیجه لر ی شونلردر : شخص مستمراً ادعای نسبت ایتدیگی بابانک اسمنی طاشیمقده در ؛ باباسی اولدیغی ادعا ایتدیگی شخصک ، کندیسيله ، طبقی اونک اوز اولادی ایش کی علاقہ دار اولدیغی کوسترن احوال و حادثات موجوددر ؛ (تربیه ، تعلیم ایتک ، برایشه یرلشدرمک و الخ ... کی) چوجوق عائله و جمعیت ایچنده ادعای نسبت ایتدیگی ابونیک چوجوغی اوله رق طائیمقده در .

کوچوک بر عباره ایله بوتون بو عنصرلری تلخیص ایدیورلر : nomen, tractatus, fama
 بو احوالک تدقیقه مستبان اولورکه کندیسنی صحیح النسب اوله رق طائمی ایستین شخصک شو ادعاسی ، قرائن موجودیه نظراً قانونی بر حمایه مستحقدر : ذاتاً قاهر بر اکثریت اولمق اوزره نظریات ایله فعلیات یکدیگره تطابق ایدر ؛ فلانک ولد مشروعی اولمق اوزره طائیلان فلان چوجوق ، فی الحقیقه او بابانک صحیح النسب اولادیدر ؛ قاری وقوجه ازدواج ایش و نکاحلری اثبات ایدلش اوله رق کندیلرینک اولان برچوجوغی تربیه ایدرلرسه ، و بوچوجوق اونیکه علاقہ دار اولان بالجله اشخاص طرفندن بویه طائیلمش و قبول ایدلش بولنورسه ، آرتق بوچوجوگک حقیقه اونلرک محصول ازدواجی اولدیغنه شبهه قالماز . بونده خطا احتمالی چوق ضعیفدر ، بناءً علیه possession d'état بی صحت نسب خصوصنده ادله ثبوتیه دن عدایدن قانونک بوفرضیه سی پک معقولدر . حاکم واسع بر حق تقدیر ایله کیفیتی تدقیق ایده رک اگر برر کله ایله خلاصه ایتدیگمز عنصرلری (اساسلی) و (دواملی) کوریر ایسه حکمی ویریر . دیمک که (پوسه سیون ده تا) نک قانونی و معتبر قرائندن اولسی و اثبات مشروعیت ایچون باشقه دلیل آراناماسی ایچون بر خصوصی وصف میز شرطدرکه اوده دواملی و اساسلی Constante اولسیدر . شو حالده منفرد و کچیجی حادثه لری اثبات ایله بینه تکمل ایش عد اولنه ماز . تحلیل ایدیلرسه کوریلورکه (پوسه سیون ده تا) قوتی ابونیک (اقرار) ندن آلمقده در . چونکه کوجوکی بیومتکه (tractatus) اوکا اسملرینی ویرمکه (nomen) اونک صحت نسبنی اعلان ایشلردر . اونلره نظراً (پوسه سیون ده تا) اساسلی و دواملی در ، ابونیک بو (اقرار) ی عائله و جمعیتک بونی مؤید و بوکا مطابق شهادتلیله ده دائماً توثیق ایدلمکده در . fama

(پوسه سیون ده‌تا) یالکیز تولد حادثه سی اثبات ایش اولماز هویت و عینی ده
 idendité اثبات ایدر . چونکه ولادت وثیقه سی منفرد بر حادثه اولان دوغوم آتی ،
 چوجوغل کندیسندن حاصل اولدیغنی ادعا ایتدیکی قادینک وضع حافی استهداف واثبات
 ایدر . Possession d'état ایسه متلاحق بر طاقم احوالک ، حادثه لک نتیجه سیدر که
 بونلر تعلق ایتدکلری شخصی آشاغی یوقاری آدیم آدیم تعقیب ایدر لر . بناء علیه (پوسه-
 سیون ده‌تا) هم دوغوش همده هویت و عینیت عنصرلری اعتباریه نسبی اظهار واره‌ده
 برنجیدن ده قوتلیدر و مکمل بیندر . بونی اقامه ایدن شخصک باشقه بر دلیله احتیاجی
 یوقدر . قانونک فرضیه سی اوئی حمایه ایدر .

فرانسه ده (پوسه سیون ده‌تا) بی تشکیل ایدن احوالک هیئت مجموعه سی ، ممکن
 اولان هر واسطه ایله اثبات اولونه بیلیر . شخصی شهادت لر ، بسیط قرینه لر و الح ... کی
 یوقسه مقدمه بین ماهیتده بعض تحریری وثیقه لر احتیاج یوقدر . بوکا مقابل (پوسه سیون
 ده‌تا) به قارشی هر واسطه ایله اعتراض امکانی موجوددر . یعنی کوچوکلک دوغدیغنی
 آندن بری نه اسم نه تعلیم و تربیه نه ده معروفیت اعتباریه (پوسه سیون ده‌تا) سی موجود
 اولدیغنی اثبات اولونه بیلیر .

کذلک پوسه سیون اثبات ایدلمش اولسه بیه بونک ، چوجوغلک حقیقی نسبی ایله
 علاقه وارتباطی اولدیغنی ، چوجوغلک حقیقتده باشقه ابوبندن تولد ایلدیکی ادعا اولونه بیلیر .
 واقعا ابونک بر یابانجی بی کندی اولادلری ایش کی سنه لرجه انفاق و تربیه ایتلمی
 مستبعد ایسه ده بویه بر حادثه محال و غیر ممکن ده دکلدر .

کوجوکلک مشروعیتی انکار ایدن کیسه ، ابون مقامنده بولنان اشخاصک اصلا
 چوجوغلری اولمادیغنی ، یاخود اونلرک حقیقی اولادینک اولمش ایدوکنی ، یاخود
 (پوسه سیون ده‌تا) صاحبی اوله رق بوصفتدن مستفید اولمق ایستیهن شخصک حقیقتده
 باشقا بر آنا و بابادن دوغدیغنی دوغریده اثبات ایده بیلیر . مثلا عدم مشروعیت
 ادعا سنده بولنان کیسه ، چوجوغلک باشقه ابوبندن ویا مجهول اشخاصدن تولد ایتدیکنی
 اظهار ایدن بر ولادت وثیقه سی اراهه ایسه Possession d'état نک قوتی زائل اولور .
 [ایشته بوندن ناشیدر که فرانسه ده بوایکنجی طریق اثباته ، آنجق رسمی ولادت وثیقه سنک
 عدم موجودیتی حالده توسل اولونه جنی یوقاریده بیان وعبارة قانونیه ایله استشهاد اولوندی .]

واقعا چوجوق اکر کنديسی بویوتنلرک ، کنديسنه اسملرینی ویرنلرک حقیقه اولادی ایسه ولادت وثیقه سنده اون باشقه برآنا و بابادن ویا مجهول شخصلردن دوغوش کی نصل بیان وتسجیل ایتدیره بیلرلر ؟ بویله بر حال معقول اولماقده برابر غیر ممکن وغیر واقعده عد اولونه ماز . شو حالده ولوکه (پوسه سیون ده تا) ولادت وثیقه سنک خلافی مشعر بولونسون ، مادام که بر ولادت وثیقه سی موجوددر پوسه سیون ده تانک حکم وقوتی قالماز ، چوجوق حقیقی نسبی ، اوچونجی طریق اثبات اولان شهود شخصیه اقامه سی صورتیه اظهار وتبیین ایتک ضرورتنده قالیر . فقط بونک ایچون تحریری بر مقدمه ینه یاخود اهمیتی قرینه لر لازمدر . ولادت وثیقه سنک تحریرنده کی سهو دخی بو طریق ایله اثبات ایدلمش اولور .

ولادت وثیقه سی ، پوسه سیون ده تا ایله برلشیر ایسه آرتق وضعیت غیر قابل اعتراض بر قطعیت عرض ایدر ، هیچ بر کیسه بویله وثیقه سی وفعلی حال مدنیسی تأسیس ایتمش اولان کیسه یه قارشی بونقطه لردن معارضه ده بولونه ماز .

عجابرزوج وزوجه باشقه سندن دوغان بر چوجوغی کندي اولادلی ایتش کی تسجیل و بویولده تعلیم وتربیه ایده مزلمی ؟ بو حالده بویله بر چوجوغک ده وضعیت مدنیسنه کیسه اعتراض ایده میه جک دیمک اولمازی ؟ حالبوکه اوچوجوق حقیقته بو ابونیک دکلدیر . بوکاجواباً دیورلرکه : عائله لرک بویله وثائق رسمیه وفعلی حادثه لرله تأسیس ایدن حال مدنیسی دائمی اعتراضه و اویدورمه ماجرالره مساعد و متحمل بر وضعیتده مشکوک بر اققدن ایسه استثنائی ماهیتده اوله رق ظهور ایده بیلرک نادر وقعه لره قیمت ویرمه مک ضرورتی واردر .

مع مافیه دوغوش ساجلی ایله فعلی حال مدینیک اجتماعدن حاصل اولان قوتلی وضعیتک غیر قابل اعتراض اولسی ایچون بر شرط متقدم واردرکه اوده ابونیک نکاحلی بولوندقلرینک ثبوتی در . بویکی قوتلی برهانه قارشی آچیقندن آچیه اعتراض در میان ایده مین مدعی ، ابون آراسنده ازدواجک عدم موجودیتی اثبات ایده بیلرسه اووقت ولادت وثیقه سنک ویا فعلی حال مدینیک ادعا اولنان شخصه ونسبه تطابق قرینه سی کنديلکندن قوتی ضایع ایدر . چونکه فرانسه قانون مدینیک (۳۲۲) نجی ماده سنده

هم وثیقه همده فعلی حال مدنی اعتباریله نسبی حمایه ایدیلنلر و هیچ بر کیمسه طرفندن رد
وانکار ایدیللرینه مساع کوسترلیه نلر ازدواج محصولی اولان چوجوقلردر .
برده اشبو (۳۲۲) نجی ماده ولادت وثیقه سی ایله تعین ایدن شخص ایله فعلی حال
مدنی Possession d'état ایله هویتی معین شخص آراسنده (عینیت) موجود اولدیفنی
و بو خصوصده هیچ بر شیه و تردد بولونمادیغنی فرض ایدر . اکر دوغوم سبجلنک تحریری
آنی ایله ایله فعلی حال مدنی تاسیسنه خادام اولان احوال و حادثات آراسنده کی فاصله
انساننده مثلا چوجوغنک سود ننده ایکن باشقه بر چوجوقله دیکشدرلش اولمسی کبی
بر حال وقوعی انبات اولنورسه بو (۳۲۲) نجی ماده ینه قطعیتی غائب ایدر چونکه ولادت
وثیقه سی ایله فعلی حال مدنی آراسنده تطابق تام موجود اولماز ، وثیقه بر شخصیسه ،
پوسه سیونده تا دیکر بر شخصیسه عائد اولور .

حقوق مدنیه مدرسی

ماهی عادل